



An Roinn Cultúir,  
Oidhreacht agus Gaeltachta  
Department of Culture,  
Heritage and the Gaeltacht

**An Ciste um Struchtúir  
Stairiúla  
CIORCLÁN HSF/2020**

**Samhain 2019**

---

## **Ábhar**

1. An Ciste um Struchtúir Stairiúla	2
2. Cé is féidir leo iarratas a dhéanamh?	3
3. Cistiú ar Fáil/ Cad a Chisteofar	4
4. Na Critéir Roghnúcháin	5
5. Caighdeán na nOibreacha	5
6. Conas Iarratas a Dhéanamh	6
7. Cistiú a Íoc	8
8. Oibreacha Cáilitheacha	9
9. Nóta Treorach ar Ráitis Mhodha	10
10. Téarmaí agus Coinníollacha	11

## **Aguisíní**

- I. Foirm A – Iarratas, le comhlánú ag Iarratasóir*

## 1. An Ciste um Struchtúir Stairiúla

In Aibreán 2018 d'fhógair an tAire Cultúir, Oidhreachta agus Gaeltachta infheistíocht chaipitiúil de €1.2bn sa chultúr, sa teanga agus san oidhreacht faoi *Tionscadal Éireann 2040*. Beidh an cistiú caipitiúil don oidhreacht thógtha faoin bplean seo i bhfeidhm ó 2018 - 2027 agus tá sé dírithe ar feabhas a chur ar an oidhreacht thógtha atá againn ar fud na tíre seo agus ar conas í a chosaint.

Tá oidhreacht thógtha uathúil ag Éire d'ardchaighdeán – tá ár bhfoirgnimh agus struchtúir stairiúla mar chuid ríthábhachtach d'ár n-oidhreacht. Tá beagnach caoga míle foirgneamh ann atá faoi chosaint ar fud na hÉireann. Tá géarghá ag roinnt mhaith dóibh siúd ar infheistíocht, chun a dheimhniú go gcaomhnaítear iad agus go leanfar ar aghaidh le húsáid a bhaint astu ionas go mbeidh siad mar chuid bheo mar chuid dár stair agus dár saol pobail amach anseo.

Táthar ag cur cistithe ar fáil don Chiste um Struchtúir Stairiúla (CSS) mar chuid de *Tionscadal Éireann 2040*. Is **€1,824,000** san iomlán an méid cistithe a bheidh ar fáil faoin CSS in 2020 ar fud na tíre.

**Tá mar bhunchuspóir ag an gCiste um Struchtúir Stairiúla, caomhnú agus feabhas a chur le foirgnimh agus struchtúir stairiúla ar mhaithe le leas an phobail.**

Cé go bhfuil an príomhfhreagracht ar an úinéir cúram agus caomhnú a dhéanamh ar an bhfoirgneamh atá faoi chosaint, tá caipiteal riachtanach á infheistiú ag an **gCiste um Struchtúir Stairiúla** inár n-oidhreacht thógtha luachmhar agus tá sé ina chúnamh do shealbhóirí agus do choimeádaithe struchtúr stairiúil chun cosaint a thabhairt dóibh amach anseo ar mhaithe le leas an phobail.

Is iad príomhaidhmeanna an chiste seo chun:

- **éascú** le hoibreacha caomhnaithe ar scála níos airde a bheith curtha i gcrích ar struchtúir oidhreachta a mheastar a bheith suntasach agus tacaíocht phráinneach ag teastáil uathu;
- **spreagadh** a thabhairt d'athghiniúint agus d'athúsáid maoin oidhreachta a agus chun cuidiú leis an gcaomhantas ar struchtúir chosanta agus/nó sócmhainní atá suntasach ó bhonn stairiúil-cultúrtha;
- **tacaíocht a thabhairt** d'infheistíocht de mhaoiniú príobháideach i dtionscadail dhlúth-shaothair a bhfuil sé d'aidhm acu struchtúir stairiúla atá i seilbh príobháideach agus poiblí araon a chaomhnú i gcomhair úsáid an phobail.

Tugann an Roinn tacaíocht do thionscnóirí tionscadail eilimint de thraenáil i scileanna traidisiúnta a bheith mar chuid den tionscadal.

Tá dhá Shruth sa Chiste um Struchtúir Stairiúla:

- **Sruth 1** - leis seo cuirfear deontais ar fáil ó **€15,000 suas go €50,000** le haghaidh athchóirithe riachtanacha agus oibreacha caipitiúla beaga a bhaineann le hathchóiriú agus le caomhnú struchtúr oidhreachta.
- **Sruth 2** - leis seo cuirfear líon beag deontas ar fáil ó **€50,000 suas go €200,000** le haghaidh tionscadal feabhaithe, athchóirithe nó athúsáid níos mó a bhaineann le struchtúir oidhreachta, ina bhfuiltear tar éis buntáiste soiléir don phobal léirithe.

Is féidir leis an Aire cuid den Chiste a shannadh le haghaidh **tionscadal i gcomhpháirtíocht** le heagraíochtaí atá maoinithe ag an Stát, m.sh. Oifig na nOibreacha Poiblí, Iontaobhas Oidhreachta na hÉireann, Uiscebhealaí Éireann, na Seirbhíse Páirceanna Náisiúnta agus Fiadhúlra, Iontaobhas na gComharthaí Talún agus eagraíochtaí eile, chun cothabháil a dhéanamh ar struchtúir agus foirgnimh stairiúla in úinéireacht phoiblí agus chun cur leis an infreastruchtúr áineasa agus le rochtain an phobail ar na seoda oidhreachta seo.

## 2. Cé is féidir leo iarratas a dhéanamh?

Cuireann an Ciste um Struchtúir Stairiúla cistiú caipitil ar fáil le haghaidh oibreacha ar struchtúir cháilithíoch, lena n-áirítear:

- (i) **Struchtúir atá faoi Chosaint:** Struchtúir atá ar Thairfead ar Dhéanmhais Chosanta (RPS) gach údarás áitiúil;
- (ii) **Struchtúir atá incháilithe nó molta le cuimsiú san RPS**, ach nár faomhadh go foirmiúil iad go fóill. Caithfidh a leithéid de struchtúir critéir an údaráis áitiúil le cuimsiú san RPS a shásamh, i.e. caithfidh go bhfuil tábhacht ar leith ag baint leis ó thaobh ailtireachta, staire, seandálaíochta, ealaíne, cultúir, eolaíche, sóisialta nó teicniúil de.
- (iii) **Struchtúir nó oibreacha laistigh de Limistéir Chaomhantais Ailtireachta (LCA), nó laistigh de chonláiste Séadchomhartha Náisiúnta**, sa chás go bhfuil cúinsí eisceachtúla i gceist.

Is iad seo a leanas a bheidh mar thionscadail incháilithe:

- tionscadail molta ag údaráis áitiúla de réir iarratas ó **iarratasóirí príobháideacha gur úinéirí nó airigh de struchtúir stairiúla iad**
- tionscadail molta ag údaráis áitiúla d'oibreacha ar **struchtúir atá faoi úinéireacht phoiblí**, sa chás gur léirítear fócas follasach oidhreachta agus pobail, nó tairbhe don phobal
- tionscadail molta go díreach don Roinn a bhfuil fócas oidhreachta nó leas pobail acu, atá sainmhínithe go soiléir, a dhéanann **eagraíocht atá maoinithe ag an Stát** a fheidhmíonn i réimse oidhreachta.

**Ní chuirfeadh san áireamh ach iarratas amháin do gach struchtúir stairiúil**

**Ní féidir le hiarratasóirí leas a bhaint as cistiú faoin gCiste um Struchtúir Stairiúla agus faoin Scéim Infheistíochta don Oidhreacht Thógtha araon sa bhliain chéanna.**

### 3. Cistiú ar Fáil/ Cad a Chisteofar

Sruth	Cistiú ar Fáil	Cad a Chisteofar	Uasdeontas
<b>Sruth 1</b>	Deontais de idir €15,000 agus €50,000	Deisiúcháin riachtanacha agus oibreacha caipitiúla beaga le haghaidh athchóiriú agus caomhnú struchtúr stairiúil chun an struchtúr a chosaint agus a choinneáil in úsáid	80% de chostais incháilithe
<b>Sruth 2</b>	Deontais de idir €50,000 agus €200,000. <b>D'fhéadfaí</b> na deontais a bheith céimnithe thar dhá bhliain. Ba cheart d'iarratasóirí rathúla an Litir Thairisceana a sheiceáil le haghaidh sonraí ar conas atá an cistiú le caitheamh thar an dhá bhliain, más infheidhme.	Tionscadail fheabhsaithe níos mó nó athchóirithe suntasacha a bhaineann le struchtúir stairiúla, má léirítear go soiléir go bhfuil tairbhe ann ar mhaithe le leas an phobail	50% de chostais incháilithe. I gcásanna eisceachtúla <b>d'fhéadfaí</b> céatadán níos airde a iarraidh, faoi réir uas de 80%
<b>Tionscadail i bPáirtnéireacht</b>	Le dearbhú ar bhonn cás go cás.	Oibreacha chun cúram a thabhairt do struchtúir agus foirgnimh stairiúla in úinéireacht phoiblí agus infrastruchtúr caithimh aimsire agus rochtain phoiblí do na sócmhainní oidhreachtúla seo a fheabhsú	Ní bheidh os cionn 50% de chostas an tionscadail de ghnáth

- D'fhéadfaí a cheangail ar iarratasóirí fianaise a chur ar fáil go bhfuil cistiú comhfhreagrach ann.
- Caithfidh na hoibreacha a bheith críochnaithe agus íocaíocht déanta sula lorgáítear íocaíocht ón Roinn.
- Is féidir leis an dá shruth eilimint de thraenáil bhainteach a áireamh.

Féach **Cuid 8** thíos chun breis sonraí a fhail ar Oibreacha Cáilitheacha.

#### Ní bheidh na cineálacha oibreacha seo a leanas incháilithe le haghaidh cistithe:

- Oibreacha ar cuireadh tús leo roimh bhronnadh an deontais
- Foirgnimh nua nó sínté
- Oibreacha nach bhfuil de réir dea-mhodh oibre agus dea-chleachtais chaomhnaithe
- Tionscadail nó gnéithe de thionscadail ar cuireadh tús le hoibreacha roimh bhronnadh an deontais
- Tailte nó foirgnimh a cheannach
- Staidéir indéantachta
- Pleananna caomhnaithe nó aon chaiteachas neamh-chaipitiúil eile, seachas más rud é go bhfuil sé díreach bainteach le hoibreacha caipitiúla atá á maoiniú faoin gCiste.

#### 4. Na Critéir Roghnúcháin

Is de réir na gcritéir seo a dhéanfar measúnacht ar iarratais incháilithe atá le roghnú faoi **Shruth 1**:

1	<b>An tábhacht</b> a bhaineann leis an struchtúr
2	<b>Éifeachtúlacht</b> an deontais i dtaobh aidhmeanna an Chiste um Struchtúir Stairiúla a bhaint amach
3	<b>Caighdeán</b> na modheolaíochta agus fiúntas teicniúil na n-oibreacha molta
4	An méid a chuireann na hoibreacha molta leis <b>an an struchtúr a choinneáil in úsáid, nó é a thabhairt ar ais in úsáid</b>

Is de réir na gcritéir seo a dhéanfar measúnacht ar iarratais incháilithe atá le roghnú faoi **Shruth 2**:

1	<b>An tábhacht</b> a bhaineann leis an struchtúr
2	<b>Éifeachtúlacht</b> an deontais i dtaobh aidhmeanna an Chiste um Struchtúir Stairiúla a bhaint amach
3	<b>Caighdeán</b> na modheolaíochta agus fiúntas teicniúil na n-oibreacha molta
4	An méid a chuireann na hoibreacha molta leis <b>an an struchtúr a choinneáil in úsáid, nó é a thabhairt ar ais in úsáid</b>
5	<b>Leas níos leithne an phobail</b> an tionscadail

Tabharfar teip mór-iomlán d'aon iarratas nach n-éiríonn leis marc incháilithe a fháil de réir aon cheann de na critéir mheasúnachta thuasluaite agus ní chuirfear san áireamh iad chun cistithe.

#### 5. Caighdeán na nOibreacha

Ní mór gur duine nó daoine gairmiúla a bhfuil na cáilíochtaí agus an taithí cuí acu a dhéanann na hoibreacha caomhnuithe a dhearadh, a shannadh agus a mhaoirsiú ar an láthair agus ceanglófar orthu a dhearbhu go ndearnadh na hoibreacha de chaighdeán sásúil. B'fhearr go mór go mbeadh **iniúlacht inléirithe** ag an ngairmí tógála sa réimse ábhartha de chaomhnú foirgnimh. Oibríonn na trí institiúid tógála ghairmiúla scéimeanna creidiúnaithe caomhnaithe, a d'fhéadfadh a bheith mar chabhair d'úineirí an saineolas ceart a fháil<sup>1</sup>.

<sup>1</sup> The Royal Institute of the Architects of Ireland, [www.riai.ie](http://www.riai.ie); Engineers Ireland, [www.engineersireland.ie](http://www.engineersireland.ie); Society of Chartered Surveyors Ireland, [www.scsi.ie](http://www.scsi.ie).

Tá an rogha a dhéantar don phríomhchonraitheoir agus nó an speisialtóir le scileanna ceirde agus bainistíochta ríthábhachtach freisin chun tionscadal d'ardchaighdeán a fháil. B'fhéidir gur mhaith le húinéirí dul i gcomhairle le Clár na gConraitheoirí Oidhreachta nó le Clár Thionscail Tógála na hÉireann, ina bhfuil fochatagóir 'oibreacha oidhreachta'<sup>2</sup>.

I gcás go mbaineann oilteacht ar leith leis an gcleachtóir, mar shampla tuódóir nó saor cloiche, comhlíonann siadsan ról an ghairmí um thógáil caomhnuithe.

Tabhair do d'aire gur gá i ngach cás go mbeadh **gairmí caomhnaithe a bhfuil na cáilíochtaí iomchuí acu** ann chun maoirseacht a dhéanamh ar na hoibreacha, agus go gcuirfí **ráiteas modha fóna agus cuimsitheach** isteach leis an iarratas. (Féach **Cuid 9 Nóta Treorach ar Ráitis Mhodha**) Ba cheart do thionscadail ina n-áirítear eilimint de thraenáil, cur síos imlíníoch a thabhairt ar nádúr, réim agus an leibhéal traenála atá beartaithe. Ní mór plean traenála a chur chuig an Roinn sula gcuirtear tús leis an eilimint traenála.

**Dírítear d'aird gur minic ráiteas modha dóthanach cuimsitheach lag a bheith ann mar chúis teipe le tionscadal ag an gcéim mheasúnaithe.**

## 6. Conas Iarratas a Dhéanamh

### Sruth 1

Sa sruth seo cuirtear deontais de idir €15,000 agus €50,000 ar fáil le haghaidh athchóirithe riachtanacha agus oibreacha caipitiúla beaga a bhaineann le hathchóiriú agus le caomhnú struchtúr stairiúil.

- Ba cheart **d'iarratasóirí príobháideacha nó grúpaí pobail gur úinéirí nó airigh de struchtúir stairiúla iad:**
  - Foirm A a chomhlánú
  - Ráiteas Modha cuimsitheach a cheangail leis
  - Iad a chur isteach chuig an údarás áitiúil roimh an dáta deiridh (arna chinneadh ag gach údarás áitiúil, ach tráth nach déanaí ná an **31 Eanáir 2020**).Ag úsáid na gcritéar a leagtar amach i gCuid 5 thuas, is féidir le gach údarás áitiúil gearrliosta de suas go trí **tionscadal sa chatagóir seo** le beith a chur isteach measta faoin **14 Feabhra 2020**.
- Ba cheart d'údarás áitiúla atá ag cur iarratas isteach le haghaidh oibreacha gur **struchtúir stairiúla iad in úinéireacht phoiblí**, sa chás go léirítear fócas oidhreachta agus leas pobail soiléir
  - Foirm A a chomhlánú
  - Ráiteas Modha cuimsitheach a cheangail leis
  - Iad a chur chuig an Roinn (r-phost [HSF@chg.gov.ie](mailto:HSF@chg.gov.ie)) ar nó roimh an **14 Feabhra 2020**.Is féidir le gach údarás áitiúil **tionscadal amháin sa chatagóir seo** a chur isteach le beith measta.
- Maidir le hiarratais do thionscadail a léiríonn fócas oidhreachta agus leas pobail soiléir, a mholann **eagraíocht maoinithe ag an Stát** a fheidhmíonn i réimse oidhreachta:
  - Foirm A a chomhlánú
  - Ráiteas Modha cuimsitheach a cheangail leis
  - Iad a chur chuig an Roinn (r-phost [HSF@chg.gov.ie](mailto:HSF@chg.gov.ie)) ar nó roimh an **14 Feabhra 2020**.

<sup>2</sup> [www.heritageregistration.ie](http://www.heritageregistration.ie); [www.ciri.ie](http://www.ciri.ie).

## Sruth 2

Sa sruth seo cuirtear líon beag deontas ar fáil **suas go dtí €200,000** le haghaidh tionscadal feabhsaithe, athchóirithe nó caomhnaithe níos mó ina leirítear leas soiléir don phobal.

- Ba cheart **d'iarratasóirí príobháideacha nó grúpaí pobail gur úinéirí nó airigh de struchtúir stairiúla:**
  - Foirm A a chomhlánú
  - Ráiteas Modha cuimsitheach a cheangail leis
  - iad a chur isteach chuig an údarás áitiúil roimh an dáta deiridh (arna chinneadh ag gach údarás áitiúil, ach tráth nach déanaí ná an **31 Eanáir 2020**).Ag úsáid na gcritéar a leagtar amach i gCuid 5 thuas, is féidir le gach údarás áitiúil gearrliosta de **thionscadal amháin sa chatagóir seo** le beith measta a chur isteach faoin **14 Feabhra 2020**.
- Ba cheart d'údaráis áitiúla atá ag cur iarratas isteach le haghaidh oibreacha gur **struchtúir stairiúla iad in úinéireacht phoiblí**, sa chás go léirítear fócas oidhreachta agus leas pobail soiléir
  - Foirm A a chomhlánú
  - Ráiteas Modha cuimsitheach a cheangail leis
  - Iad a chur chuig an Roinn (r-phost [HSF@chg.gov.ie](mailto:HSF@chg.gov.ie)) ar nó roimh an **14 Feabhra 2020**.Is féidir le gach údarás áitiúil **tionscadal amháin sa chatagóir seo** a chur isteach chuig an Roinn le beith measta.
- Maidir le hiarratais ar thionscadail a bhfuil fócas oidhreachta atá sainmhínithe go soiléir nó leas pobail acu a dhéanann **eagraíocht maoinithe ag an Stát** a fheidhmíonn i réimse oidhreachta:
  - Foirm A a chomhlánú
  - Ráiteas Modha cuimsitheach a cheangail leis
  - iad a chur isteach chuig an Roinn (ríomhphost [HSF@chg.gov.ie](mailto:HSF@chg.gov.ie)) faoin **15 Feabhra 2019**.

## Ag cur d'iarratas isteach

Ba cheart iarratais a shásaíonn na critéir a chur isteach chuig an údarás áitiúil nó chuig an Roinn (mar is iomchuí) le bheith measta faoin spriocdháta.

Déan seiceáil ar na nithe seo ach go háirithe –

- Nach sáraíonn an méid cistithe a iarrtar an t-uasluach de dheontas atá ar fáil
- Go luaitear go soiléir méid agus foinse an chistithe
- Go bhfógraítear sonraí d'aon mhaoiniú eile ón státchiste

Ní mór ríomhphost ar leith a chur isteach maidir le gach iarratas, agus bí cinnte go bhfuil gach ábhar bainteach leis an iarratas sin inchurtha leis. Ní mór don r-phost a bheith faoi bhun 15MB de mhéid. Ní chuirfeadh cuid d'iarratais nó iarratais nach bhfuil comhlánaithe go hiomlán, nó le níos mó ná iarratas amháin in aon ríomhphost amháin, san áireamh le haghaidh cistithe.

Ba cheart 'HSF 2020' a bheith mar ábhar an r-phoist, agus ainm an tionscadail agus ainm an údaráis áitiúil leis, más ábhartha.

**NÓTA: Ní ghlacfar ach amháin le hiarratais trí ríomhphost.**



## 7. Cistiú a Íoc

### Sa chás go ndéantar an tIarratas tríd an Údarás Áitiúil

Caithfidh oibreacha a bheith críochnaithe agus dearbhaithe ag an údarás áitiúil sular féidir íocaíocht an deontais a lorg ón Roinn.

Tá an t-údarás áitiúil freagrach as íocaíocht na ndeontas d'úineirí/ áitritheoirí de thionscadal faofa faoin gCiste roimh aisíocaíocht a lorg ón Roinn.

**Dírítear d'aire, sa chás nach ndéantar na hoibreacha agus / nó traenáil de réir théarmaí na scéime, go háirithe nuair a athraítear scóip na n-oibreacha agus nach bhfuil na hoibreacha nua de réir na gcaighdeán riachtanach de dhea-chleachtais chaomhnaithe, nach bhfuil aon dualgas ar an Roinn an deontas a bhronnadh, toisc go bhfuil sárú ábhartha ar théarmaí thairiscint an deontais.**

Chomh luath is atá iarratas curtha isteach, caithfidh an t-údarás áitiúil **Foirm C (Aguisín IV)** a chomhlánú agus a chur isteach faoin **31 Deireadh Fómhair 2020** chun an deontas a fháil ón Roinn. Caithfidh Oifigeach Caomhantais Ailtireachta (OCA) atá ag déanamh maoirseachta ar an tionscadal Foirm C a shíniú (nó, i gcás nach bhfuil OCA fostaithe ann, go ndéanfaidh ball d'fhoireann ghairmiúil an údarás áitiúil atá inniúil chun an fheidhm seo tabhairt faoi é) agus le chomhshíniú an Phríomhfheidhmeannaigh nó an Stiúrthóra Seirbhísí é. **Caithfear** fianaise íocaíochta a bheith leis an bhfoirm, mar shampla asphrionta ina dtaispeántar ainm an iarratasóra, an méid a íocadh agus dáta na híocaíochta chomh maith le háiseanna amhairc, m.sh. grianghraf nó gearrthóga físe, ionas gur féidir leis an Roinn comparáid a dhéanamh idir íomhánna den struchtúr roimh do na hoibreacha a bheith déanta agus ina ndiaidh. Ní féidir éileamh a dhéanamh ar maoiniúchán tar éis an spriocdháta.

**Ní mór r-phost ar leith a chur isteach maidir le gach éileamh ar íocaíocht agus bí cinnte go bhfuil gach ábhar bainteach inchurtha leis san aon r-phost amháin.**

### Sa chás go ndéantar an t-Iarratas go díreach chuig an Roinn

Caithfidh Foirm C a bheith sínithe ar an bhfoirm iarratais bhunaidh ag an gairmí caomhnaithe sainaitheanta, an té a dheimhneoidh go ndearnadh maoirseacht ar na hoibreacha agus gur cuireadh i gcrích iad de réir théarmaí bhronnadh an deontais agus ag an chaighdeán oiriúnach maidir leis an gcleachtas caomhnaithe.

Ní íocfar aon deontas i gcásanna nach bhfuil an deimhniúchán ar na hoibreacha déanta ag gairmí caomhnaithe a bhfuil na cáilíochtaí oiriúnacha aige/aici.

**Caithfear** fianaise íocaíochta a bheith leis an bhfoirm fhorchúitimh, mar shampla asphrionta ina dtaispeántar ainm an iarratasóra, an méid a íocadh agus dáta na híocaíochta chomh maith le háiseanna amhairc, m.sh. grianghraf nó gearrthóga físe, ionas gur féidir leis an Roinn comparáid a dhéanamh idir íomhánna den struchtúr roimh agus tar éis do na hoibreacha a bheith déanta.

Ní féidir éileamh a dhéanamh ar mhaoiniúchán tar éis an spriocdháta.

## 8. Oibreacha Cáilítheacha

**Díonta:** Oibreacha chun a dheimhniú go bhfuil an struchtúr slán righin agus go bhfuil an díon slán in aghaidh na drochaimsire tríd na hábhair chearta a úsáid. Ba cheart go mbeadh sé ina thosaíocht den thionscadal go dtarrthálfaí an scláta agus ábhair eile atá san fhoirgneamh go dtí seo agus go n-athúsáidfear iad chomh maith. Oibreacha chun díonta tuí a dheisiú trí ábhair oiriúnacha agus traidisiúnta a úsáid, tá sé ceadaithe an giolcach a úsáid i gcásanna ina bhfuiltear ag athdhéanamh dín ghiolcaigh. Oibreacha chun bratra, gáitéir nó fleascadh miotail atá damáistithe a athchur (ábhair m.sh. luaidhe, copair nó since) de réir mar is cóir. Sa chás go bhfuil baol ann go ngoidfear ábhar miotail ón díon, beidh sé inghlactha ábhair mhalartacha atá oiriúnach a úsáid mar réiteach eatraimh.

**Diúscairt Uisce Báistí:** Oibreacha chun earraí uisce fearthainne a dheisiú nó, sa chás nach bhfuil sé sin indéanta, iad a athchur, chun a dheimhniú go mbeidh diúscairt éifeachtúil uisce ón bhfoirgneamh. Ba cheart luadh agus iarann teilgthe a athchur gan an t-ábhar a mhalartú le hábhar eile. Sa chás go bhfuil baol ann go ngoidfear ábhar nó go dtarlódh loitiméireacht, beidh sé inghlactha ábhair mhalartacha atá oiriúnach a úsáid mar réiteach eatraimh.

**Ballaí Seachtracha:** Oibreacha chun déanamh cinnte go bhfuil an struchtúr slán daingean agus / nó go bhfuil dóthain cosanta ag an bhfoirgneamh in aghaidh na báistí. Oibreacha chun ceart a chur ar na lochtanna nó ar fhadhbanna a bhféadfar a bheith ina gcúis dhochair shuntasach amach anseo más rud é go bhféadfaí iad gan cothabháil a dhéanamh orthu, m.sh. réitithe bunsraithe, titim isteach simléir, ionfhabhtú fungasach ar adhmaid nó aistriú salainn laistigh den ábhar é féin.

**Fuinneoga, Doirse agus Gnéithe Gaolmhara eile:** Oibreacha chun cosc a chur ar shlí don uisce teacht isteach san fhoirgneamh. Oibreacha chun gnéithe suntasacha den tsiúinéireacht sheachtrach a athchur, ach amháin gan ach adhmaid atá lofa a athchur. Deisiúchán fuinneog daite agus oibreacha bainteacha leis sin de réir an dea-chleachtais mar a leagtar amach i gCaibidil 6 den [tSraith Chomhairliúcháin Caomhnú Láithreán Adhartha \(2011\)](#).

**Codanna Inmheánacha:** Oibreacha chun gnéithe den struchtúr inmheánach a dheisiú, m.sh. urlár, ballaí, staighrí agus spiaráí. Oibreacha chun gnéithe maisiúla suntasacha, obair ealaíne leis, m.sh. obair phlástair ar bhallaí agus ar síleálacha, siúinéireacht istigh agus feistithe a chaomhnú, de réir mar is cuí.

**Oibreacha Sealadacha:** Oibreacha chun an baol atá ann go dtitfeadh an struchtúr as a chéile, go hiomlán nó in áiteanna a laghdú, ag féachaint do aerú leordhóthanach chothabháil don struchtúr, agus cosaint gnéithe suntasacha den fhoirgneamh ó phriacal. Nuair a mheastar gur gá daingneáin nó gnéithe suimiúla a aisbhaint chun iad a choimeád sochair, beidh sé sin ag brath ar mholtaí sásúla go gcoimeádfar go slán sábháilte iad le cur ar ais ina n-áit cheart in am trátha.

**Fothracha Stairiúla:** Oibreacha chun saoirseacht chloiche nó gnéithe eile atá i bpriacal a dhaingniú.

**Oibreacha Eile:** Is féidir leis an iarratasóir agus an údarás áitiúil araon éileamh a dhéanamh ar oibreacha eile a mheasann siad go bhfuil tábhacht ar leith ag baint leo le cur san áireamh ag an Roinn.

Caithfidh na hoibreacha cáilítheacha go léir a bheidh de réir na gcaighdeán dea-chleachtais, mar a leagtar amach sna [Treoirlínte um Chosaint Oidhreachta Ailtireachta d'Údaráis Phleanála](#) (2011) agus na himleabhair sa tSraith [Comhaire d'Úinéirí](#).

## 9. Nóta Treorach ar Ráitis Mhodha

Ní mór go ndéanfaí cur síos sa Ráiteas Modha ar bhail an struchtúir agus ar shonraí faoin tslí ina gcuirfear na hoibreacha caomhnuithe/deisiúcháin i gcrích. Ní gá don doiciméad seo a bheith rófhada agus **caithfidh go mbeidh sé cuí don chineál agus scála oibreacha atá beartaithe** e.g. ní theastóidh an méid céanna sonraí ó Ráiteas Modha maidir le hatuódóireacht a bheidh ag teastáil le haghaidh deisiúcháin struchtúracha nó saoirseachta. Níor cheart dó a bheith níos faide ná **DEICH** leathanach **A4**.

Ba cheart d'oibreacha a bheith ar aon dul leis an gcleachtas is fearr caomhnaithe agus ba cheart go ndéanfar iarracht modhanna a dhéanann an t-athrú is lú ar an ábhar gur féidir. Ba cheart go mbeadh oibreacha bunaithe ar thuiscint ar an struchtúr, agus ba cheart dóibh úsáid a bhaint as ábhair chúí. Ba cheart a laghad ábhar bunúil agus is féidir a ionadú agus níor cheart seo a dhéanamh ach nuair a bhíonn gá iomlán leis. Níor cheart ach amháin cleachtóirí caomhnuithe a bhfuil an oiliúint iomchuí acu agus a bhfuil taithí acu ar conas ábhar agus teicnící sean-aimseartha a chur i bhfeidhm tabhairt faoi na hoibreacha molta.

### Caithfidh go mbeidh na nithe seo a leanas sa Ráiteas Modha

#### 1. Cur síos achomair ar an struchtúr

An struchtúr mar atá sé díreach anois, le cur síos ar na gnéithe is suntasaí ann, an dealramh, an lonnaíocht ina bhfuil sé suite, an cruth, an fheidhm reatha, an tábhacht a bhaineann leis, cuntas gearr ar an gcúlra ailtireachta (má tá sé ar fáil/ ábhartha) agus ar na hábhair as a bhfuil sé déanta.

#### 2. Cur síos ar an hoibreacha a mholtar

Leis seo, ba cheart go nochtar na nithe a bhfuil rioscaí dá thoradh orthu, an obair dheisiúcháin a mholtar, conas a dhéanfar an obair, cad iad na hábhair a bheidh á n-úsáid agus conas a dhéanfar struchtúr an fhoirgnimh a choimeád. **Caithfear** go n-áirítear ann pleannanna, líníochtaí agus meáin amhairc, m.sh. gearrthóga físe, grianghraif nó léiriúcháin eile, atá ábhartha agus a thacaíonn leis an iarratas agus, de ghnáth, ba cheart go n-áireofar na nithe seo a leanas ann:

- An bhfuil na hoibreacha sealadach nó buan?
- Cén cineál deisiúcháin a mholtar agus cá bhfuil siad?
- Cén chóireáil/athsholáthar ar ábhar damáistithe lena bhfuiltear ag súil?
- Cén ábhair ionaid a chuirfear leis (más ann)?
- Sonraí den mhaoirseacht agus den mhonatóireacht a bheidh ar an suíomh
- Sceideal nó seicheamh gearr na n-oibreacha
- Meastachán ar chostas an tionscadail.

#### 3. Ráiteas tionchair agus bearta maolaithe a mholtar (más bainteach iad)

Aon tionchar dóchúil a bheadh ag oibreacha ar struchtúr agus slite chun tionchair áibhirseacha a mhaolú. Féadfar go n-áireofar leis an maolú an dearadh, an tráthúlacht agus an modh (i.e. deisiú díonta a dhéantar i dtráth maith ionas nach gcuirfear isteach ar choilíneachtaí ialtóg nó obair rindreála a dhéantar in am trátha chun seans a thabhairt don mhoirtéal aoil a shocrú síos, an inathraitheacht, roghnúchán ábhar cúramach, etc.

#### 4. Déan crosthaireacht sa Ráiteas Modha don phlean traenála, más ábhartha.

## 10. Téarmaí agus Coinníollacha

Bainfidh na coinníollacha seo a leanas le gach uile tionscadal

### 1. Fógraíocht

Déanfaidh gach údarás áitiúil fógra faoin gCiste um Struchtúir Stairiúla ar a suíomh gréasáin.

### 2. Íostarraingt deontais

Is mar seo ba cheart tionscadail a chríochnú agus an cistiú a íostarraingt

a. **Sruth 1:** Ar nó roimh an 31 Deireadh Fómhair 2020.

b. **Sruth 2:** Sa chás go mbronnar deontas do bhliain amháin, ní mór na deontais a íostarraingt ar nó roimh an 31 Deireadh Fómhair 2020. Nuair atá cistiú céimnithe thar dhá bhliain, caithfear an cistiú a íostarraingt ar nó roimh an 31 Deireadh Fómhair 2020, le cistiú 2021 le híostarraingt faoin dáta deiridh a leagfar amach i gCiorclán HSF/2021. Leagfar na sonraí amach sa Litir Thairisceana.

c. Íocaíocht

Tá mar staid réamhshocraithe go n-íofar deontais ar bhonn chaitheachais dhearbhaithe. Is gá don deontaí atá ag déanamh éilimh ar dheontas ar bhonn chaitheachais dhearbhaithe a chur in iúl do na deontóir:

- I. Go mbaineann na sonraisc a úsáidtear mar thacaíocht d'éileamh le gníomhartha agus seirbhísí atá oiriúnach d'aidhmeanna na scéime deontais.
- II. Gur íocadh na méideanna sna sonraisc.
- III. Nár úsáideadh agus nach n-úsáidfeadh na sonraisc mar thacaíocht d'aon éileamh aisíocaíochta eile ó an solathróir ciste eile (ach sa chás go bhfuil foráil i gcomhaontú cistithe).

### 3. An Mhaoirseacht

Coinníoll a bhaineann le maoiniúchán ná gurb éigean go ndéanfaidh gairmí caomhnaithe atá cáilithe go hiomchuí maoirseacht ar na hoibreacha.

### 4. Grianghrafadóireacht

Ní mór go gcuirfeadh grianghraif dhigiteacha d'ardchaighdeán den tionscadal roimh thús na n-oibreacha. Féadfar iad a úsáid níos déanaí chun comparáide 'roimh agus i ndiaidh' chun críocha tuarascálacha. Tabhair do d'aire go gcoimeádann an Roinn an ceart aici féin aon ceann de na híomhánna a chuireann an t-iarratasóir nó an t-údarás áitiúil ar fáil di chun fógairt a dhéanamh ar an gCiste. Moltar d'iarratasóirí agus d'údaráis áitiúla cead a fháil chun na híomhánna seo a úsáid (más gá) sula seolann siad don Roinn iad.

### 5. Ráiteas Modha

Ní mór don úinéir/ áitritheoir Ráiteas Modha cuimsitheach a chur isteach le gach iarratas (féach **Cuid 9** chun teacht ar threoir ar Ráitis Mhoda).

### 6. Caitheachas Incháilithe

Tá **Cáin Bhreisluacha (CBL)** incheadaithe faoin scéim ach amáin don chuid den na hoibreacha caipitiúla atá á gcistiú agus sna cásanna amháin nach bhfuil an CBL sin in-aisghabhála faoin gCiste seo, nó trí shlithe eile.

Tá táillí gairmiúla incheadaithe ach amháin i gcás an chuid sin de na hoibreacha caipitiúla ata á gcistiú ag an gCiste seo.

### **Comhthoilthe Reachtúla**

Caithfidh na ceaduithe agus toilithe reachtúla riachtanacha go léir a bheith in áit sula thosaíonn aon obair.

### **7. Fianaise ar Chistiú Comhoiriúnaithe**

Ní mór fianaise ar chistiú comhoiriúnaithe a chur in iúl ar an bhFoirm Iarratais A. D'fhéadfaí fianaise a iarraidh ar iarratasóirí amach anseo.

### **8. Cigireacht**

- a. Sa chás go molann údarás áitiúil tionscadal, caithfidh Oifigeach Caomhantais Ailtireachta (OCA) cigireacht a dhéanamh ar an struchtúr sula dtosaíonn na hoibreacha agus ina dhiaidh sin. Sa chás nach bhfuil OCA fostaithe ann, déanfaidh ball d'fhoireann ghairmiúil an údaráis áitiúil atá inniúil chun an fheidhm seo tabhairt faoi é. Sa chás gurb é an t-iarratasóir féin a mholann an tionscadal, caithfidh gairmí caomhnaithe atá ainmnithe san iarratas an chigireacht seo a dhéanamh.
- b. Má mheastar go bhfuil ga leis, **d'fhéadfadh** oifigigh de chuid na Roinne cuairt a thabhairt ar an láthair agus iniúchadh a dhéanamh i rith céimeanna éagsúla an tionscadail (agus an clár traenála, más ábhartha). Socrófar cuairteanna dá leithéid roimh ré. Caithfidh iarratasóirí/úinéirí cead rochtana a thabhairt don struchtúr sna cúinsí sin. D'fhéadfaí a iarraidh ar iarratasóirí freisin suirbhé measúnaithe a chomhlánú nuair a chríochnaíonn an tionscadal. Nuair a dhéantar clár traenála, ba cheart tuairisc mheasúnaithe a dhéanamh tar éis chríochnú an tionscnaimh.

### **9. Tuarascálacha ar Dhul Chun Cinn**

Tar éis cigireachta ar an láthair, ní mór tuairiscí eatramhacha ar an dul chun cinn a chur chuig an Roinn faoi dheireadh mhí an Mheithimh 2020, ina léirítear más rud é go bhfuiltear tar éis conradh a bhronnadh, nó go bhfuiltear tar éis tús a chur leis an obair agus an méid airgid atá íoctha leis an iarratasóir, más ann. Sa chás nach bhfuil tús le cur le tionscadal ar shuíomh faoin **9 Meán Fómhair 2020**, coimeádann an Roinn an ceart uirthi féin an maoiniúchán a leithdháileadh le tionscadal eile, tar éis di dul i gcomhar leis an údarás áitiúil iomchuí.

### **10. Athdháileadh Cistithe**

Féadfar don Roinn cistiú a leithdháileadh agus a athdháileadh faoin gCiste, lena n-áirítear do thionscadail a shásaíonn critéir an Chiste sa chás go bhfuil gá práinneach tar éis teacht chun cinn le linn na bliana.

### **11. Comhaontú Dlíthiúil**

Féadfar go gceanglófar ar iarratasóirí a bhfuil deontas bronnta orthu faoi Shruth 2, go rachaidís isteach faoi chomhaontú dlíthiúil leis an Aire Cultúrtha, Oidhreacht agus Gaeltachta, agus go gcuirfear muirear ar an mhaoin ar luach an deontais.

### **12. Ceanglais Chánach**

Ní mór don iarratasóir agus d'aon chonraitheoir a bheith cáin-chomhlíontach. Ní mór glacadh le gnásanna imréitigh cánach maidir le híocaíochtaí deontais ón earnáil phoiblí, arna leagan amach ag na Coimisinéirí Ioncaim. Féach ar a [suíomh gréasain](#) chun teacht ar thuilleadh sonraí, mura miste. Ar aon dul le hAlt 4(1) de Chiorclán [44/2006](#) ón Roinn Airgeadais: *Tax Clearance*

*Procedures: Grants, Subsidies and Similar Type Payments*, is air gach údarás áitiúil a dheimhniú go ngcloíann iarratasóirí, conraitheoirí agus fochonraitheoirí leis na gnásanna imréitigh cánach ceart, agus ar aon dul leis na gnásanna rialaithe airgeadais atá ag an údarás áitiúil féin.

Sa chás go bhfuair úinéir cinneadh a fháil faoi **Alt 482** den *Acht Comhdhlúite Cánacha 1997* (arna leasú), (roimhe seo Alt 19 den *Acht Airgeadais 1982*) agus/nó sa chás go bhfuair an t-úinéir/ áitritheoir faoiseamh cánach faoin **Scéim um Fheabhsúcháin Tí** nó faoi **Thionscnamh na Cathrach Beo**, ba cheart dó na Coimisinéirí Ioncaim a chur ar an eolas maidir le haon chistiú a bhfuiltear tar éis a fhail tríd an scéim seo.

### 13. Soláthar

Caithfidh tionscadail lena dtugtar cúnamh deontais a bheith comhlíontach leis na Treoirínte um Sholáthar Poiblí, faoin [Oifig um Sholáthar Rialtais](#).

### 14. Ciorclán 13/2014

a. Ceanglófar ar dheontaithe ceangaltais Chiorclán 13/2014 na Roinne Caiteachais Phoiblí agus Athchóirithe a chomhlíonadh - [Management of and Accountability for Grants from Exchequer Funds](#)

#### b. Iniúchadh

Ba cheart don deontóir a chinntiú go gcuirtear an deontáí ar an eolas go bhfuil:

- I. Dualgas orthu leabhair agus cuntais a chur ar fáil don Ard-Reachtair Cuntas agus Ciste, sa chás go dtagann 50% nó os cionn dá n-ioncaim iomlán ón Státchiste.
- II. An ceart ag deontóirí taifid an deonaí a iniúchadh.

### 15. Fógraí um Chur i gContúirt

Sa chás gur in úineireacht údaráis áitiúil atá an struchtúr, nó sa chás go bhfuil údarás áitiúil ag cur cúnamh airgeadais ar fáil i leith oibreacha ar struchtúr i bpríacal faoi Ailt 59, 69 agus/nó 70 den Acht um Phleanáil agus Forbairt 2000 (arna leasú), is féidir le hoifigeach sannaithe an údaráis áitiúil an t-iarratas a dhéanamh.

### 16. Ábhar Breise

Ní ghlacfar le hábhar breise a chuirtear isteach leis an bhfoirm iarratais ACH AMHÁIN más rud go bhfuil feidhm dhíreach aige leis an iarratas (i.e. tuarascálacha deindreacrineolaíochta, tuarascálacha seandálaíochta, taighde theicniúil, anailís siúinéireachta agus ábhar, líníochtaí anailíseacha agus tríthoiseacha, taighde stairiúil mionsonraithe etc.).

### 17. Ceangaltais Reachtúla

Caithfidh na hoibreacha atá faofa do dheontais ceanglais reachtúla uile a chomhlíonadh, cead pleanála ina measc. Má bheartaítear oibreacha a dhéanamh ar láithreáin/ shéadchomharthaí atá faoi chosaint faoi *Achtanna na Séadchomharthaí Náisiúnta 1930-2004*, caithfear na ceanglais reachtúla i leith fógra a thabhairt nó le haghaidh toiliú ón Aire faoi na hAchtanna siúd a chomhlíonadh.

Tá an dualgas ar an iarratasóir gach ceanglas reachtúil eile ábhartha a chomhlíonadh, ar nós na hAchtanna um Fhiadhúlra, ceadúnais urthrá (más infheidhme), an reachtaíocht Sláinte, Sábháilteachta agus Leasa, agus reachtaíocht comhshaoil agus fostaíochta. Cuirtear an méid seo ar a leanas ar aird an údaráis áitiúil: (*An Roinn Ealaíon, Oidhreacht, Gnóthaí Réigiúnacha, Tuaithe agus Gaeltachta 2012*) *Speicis Ainmhithe a Dhianchosaint: Treoir d'údaráis áitiúla ar Airteagail 12 agus 16 den Treoir maidir le Gnáthóga ón AE a chur i bhfeidhm ar fhorbairt/oibreacha a*

*dhéantar ag thar ceann údarás áitiúil. Tá foilsiú na dTreoirínte d'Éirinn maidir le Maolú Ialtóg Éire (2006) ar fáil ar shuíomh gréasáin na [Roinne](#)*

Ceanglófar ar an iarratasóir cóipeanna de gach ceadú, fógairt nó toiliú ábhartha a chur isteach agus éileamh ar dheontas á dhéanamh

### **18. Aistriú Úinéireachta**

Má dhíoltar struchtúr a bhfuil cúnaimh deontais faighte ina leith, nó má aistrítear an úinéireacht laistigh de thréimhse 5 bliana ón dáta a íoctar an deontas, féadfar go mbeadh aisghlámhadh i gceist ar chuid den mhaoiniú nó ar é go léir. Má aistrítear an tseilbh roimh íocaíocht an deontais, féadfar an t-údarás áitiúil socruithe a dhéanamh chun an deontas a aistriú go dtí úinéir nua na maoinne chomh fada is a shásaíonn sé gach coinníoll a bhaineann leis an deontas.

### **19. Tuarascáil Bhliantúil agus Bolscaireacht**

Ba cheart do gach údarás áitiúil faisnéis a chur ar fáil sa Tuarascáil Bhliantúil faoi conas a chuirtear an Ciste chun feidhme. Ba cheart aitheantas poiblí a thabhairt don Roinn i ngach fógra agus bolscaireacht ar an gCiste seo agus go n-úsáidtear na lógónna/ gléasanna cuí in aon ábhar priontáilte.

### **20. Cistiú Eile ón Státchiste**

Féadfar do thionscadail a bheith i dteideal cistiú a fháil ó bhreis agus scéim amháin arna chistiú go poiblí. Chun a dheimhniú go sásaítear riachtanais an Chiste i leith cistí comhfhreagracha, ba cheart go ndéanfar cros-seiceáil ar an bhfaisnéis a chuireann an t-iarratasóir ar fáil in Ailt 4a agus 4b den fhoirm iarratais maidir le deontais eile a bhféadfar a bheith ann ón Státchiste.

Sa chás go ndearna iarratasóir éileamh, nó go bhfuair cistiú ó scéimeanna eile atá maoinithe ag an Státchiste nó ag an AE do na hoibreacha atá i gceist, **caithfidh nach** sáraíonn an luach dá leithéid de mhaoiniú, **agus** an deontas faoin gCiste seo **80% den chostas iomlán.**

Má tá gníomhaíocht gheilleagrach ag baint leis an struchtúr atá i gceist, féadfar glacadh le maoiniú faoin gCiste um Struchtúir Stairiúla a bheith ina chistiú *de minimis* chun críocha Cúnaimh Stáit.

### **21. Na hAchtanna um Shaoráil Faisnéise**

B'fhéidir go mbeidh iarratais ar chistiú faoin scéim faoi réir na nAchtanna um Shaoráil Faisnéise.

### **22. Spotseiceálacha**

Mar chuid de rialuithe na Roinne a dhéantar maidir le monatóireacht ar chaitheachas agus ar nósanna imeachta faoin Scéim Infheistíochta don Oidhreacht Thógtha, déanann an tAonad Oidhreacht Thógtha spotseiceáil ar thionscadail a fhaigheann airgead faoin scéim. I bpointe áirithe den chéim íocaíochta, roghnófar 5% de thionscadail a fhaigheann airgead faoi scéim na bliana seo chun spotseiceáil a dhéanamh orthu. Mar chuid den spotseiceáil déanfar measúnú ar na comhaid in oifigí na n-údarás áitiúil, arna leanúint le iniúchadh iarbhir ar na hoibreacha a rinneadh.

**Is gá d'iarratasóirí/úinéirí cead isteach a thabhairt don struchtúr sna cúinsí sin.**

## Cinntí

Cuirfear an tuairisc dheiridh faoin tionscadal, maraon le cinntí nó moltaí na Roinne, más ann, in iúl don údarás áitiúil. Sa chás go nochtann an spotseiceáil aon ásc de mhírialtacht nó de chalaois, i measc na gcéimeanna a fhéadfaí a thógáil bheadh:

**Mírialtacht** – Tógfar ar ais aon bhuntáiste a fuarthas go mídleathach, trí oibleagáid aon airgead atá dlite nó a fuarthas go mícheart a íoc nó a aisíoc.

**Calaois** – Atreorú don údarás cuí.

## 23. Cinneadh an Aire

Cinneadh críochnaitheach is ea cinneadh an Aire maidir le bronnadh maoinithe. Agus an tAire ag déanamh cinnidh maidir le conas maoiniú a leithdháileadh, féadfar roinnt tosca a chur san áireamh, lena n-áirítear cothromaíocht tíreolaíochta agus an inmhianaitheacht tionscadail éagsúla a mhaoiniú. Coimeádfaidh an tAire an ceart aici féin chun **cistí faofa a athshannadh** le tionscadal eile mura sásaítear na ceangaltais atá ann laistigh de thréimhse ama sainmhínithe.

## RGCS (GDPR)/ Ráiteas Príobháideachais

Tá an Roinn Cultúir, Oidhreachta agus Gaeltachta tiomanta do do phríobháideachas agus úsáideann sí slite teicniúla agus eagraíochtúla chun do chuid faisnéise a chosaint ó úsáid neamhúdaraithe. Ní phróiseálfaidh an Roinn do shonraí pearsanta chun críche ar bith eile seachas an chúis gur bailíodh iad. D'fhéadfaí sonraí pearsanta a mhalartú le Ranna Rialtais eile, le húdarais áitiúla, gníomhaireachtaí faoin Roinn, nó le comhlacht poiblí eile, i gcúinsí ar leith a fhoráiltear sa dlí.

Ní choinneoidh an Roinn do shonraí pearsanta ach chomh fada agus is gá sin chun na críche ar bailíodh iad agus ar phróiseáladh iad tar éis sin. Nuair a éagann an riachtanas gnó an t-eolas seo a choinneáil, féachfar air d'fhonn na sonraí pearsanta a scrios a luaithe agus is féidir agus i gcomhréir le polasaí na Roinne. Is féidir teacht ar bhreis eolais faoi Chosaint Sonraí ar ár suíomh gréasáin ag:

<https://www.chg.gov.ie/help/legal-notice/data-protection/>

## Sonraí Teagmhála

Chun teacht ar thuilleadh eolais maidir leis an gCiste seo, téigh i dteagmháil linn ag **an Aonad Beartas Oidhreachta Tógtha, An Roinn Cultúir, Oidhreachta agus Gaeltachta**, Teach an Chustaim, Baile Átha Cliath 1. Teil. 01 888 2428 nó ríomhphost [HSF@chg.gov.ie](mailto:HSF@chg.gov.ie)